

明

史

明史卷三百九十

循吏傳

循吏中

李驥字尚德，郟城人。六歲而孤，能自勵於學。舉洪武二十六年鄉試，入國學。居三年，簡授戶科給事中。時閔市譏商旅，發及囊篋，驥奏止之。尋坐事免。惠宗嗣位，薦起新鄉知縣。招流亡，給以農具，復業者數千人。建文二年，內艱，去官。民相率奏留者數四，不許。服闋，改知東安。課農桑，勸綏輯，事有病民，輒請於朝，罷免之。邑故荒墟，狼為患。有嫠婦子噓死，訴於驥。驥禱於城隍，深自外責。明日，狼死於其所。侍郎李昶等交薦。

擢刑部郎中常陳崇教化重農桑卹民瘼省科徭蠶
版籍育賢才養軍士寬馬政擇守令汰冗員褒廉能
抑倖進通鈔法十餘事多見採納蒞坐累謫役保安
洪熙時有詔求賢薦起監察御史操履益堅未嘗以
經惠難改節又陳經國利民十事仁宗嘉納宣德五
年巡視倉場軍斗高祥盜倉粟驥執而鞠之祥父妾
言祥與張貴等同盜驥受貴等賄故獨罪祥刑部侍
郎施禮遂論驥死驥上章自辨帝曰御史既擒盜安
肯納賄倘納賄并祥亦不發矣命偕都察院再訊驥果枉帝
乃切責禮而復驥官其年十一月擇廷臣出為郡守

驥與馮授河南知府奉勅以行驥通籍垂四十年教
經憂患至是始得一郡乃興學校時地利均賦役審
度量政教並興時境內多盜為設火甲一戶被盜一
甲償之犯者大署其門曰盜賊之家又為勸教文振
木鐸以徇之自是人咸改行道不拾遺歲旱率父老
禱於嵩山兩立應帝郡民訟失平者咸來求質各心
服而去郡有伊王府王教請囑不從中官及校卒虐
民又為驥所抑憾甚及冬至令驥以四更往陪位行
禮及驥如期往誣以後期執而桎梏之次日乃釋驥
奏聞帝怒貽書讓王府中丞奉長史典儀悉逮置於理

驥持身端恪安居雖几席必正嘗曰細事既正則達
之他務無不正矣公署後植松竹梅數樹嘯咏其中
因曰彼三友而益我一老得非四友乎遂號堂為四
友淮郡六年一日與賓客宴於四友堂談笑而卒年
七十僚友士民赴吊咸哭失聲

趙登字從善祥符人舉永樂二年進士授禮科給事
中明年以言事謫四川忠州判官在職十餘年公廉
有惠愛遷雲南新興知州宣德改元用薦擢浙江湖
州知府益屬清操吏民畏服安吉州有貴姓者豪橫數
奪人田園子女有司莫能制登諷人訟之列其罪狀

以奏竟徙其家而還其所奪於民部內肅然同知李
迪嗜酒狂縱至裸袒公堂登劾奏之遂下於理時有
修華義倉之令登勸諭大戶出粟得數萬石增建廠
倉貯之為定出納之法自是水旱有備正統初九載
秩滿已解去部民追思其德相率懇於巡撫侍郎王
瀚乞再任瀚聞於朝下諸司覈實詔加二秩還任先
後在官十七年政聲大著士民敬頌之歸卒於家天
順時登同里岳璠亦知湖州有惠政官田賦重與民
田料額不一吏民得緣為奸璠疏利病於朝定正耗
之則遂為永制其治績與登相埒滿九載遷去其民

為之語曰賢守趙岳治行卓犖

李湘字永懷泰和人永樂中由國子生理刑都察院
以才擢東平知州篤志愛民常祿外一無所取勤於
治事訓戒吏民若家人然未嘗輕施笞罰有所徵發
必覈丁產厚薄城東有大村蠲源出岱山兩潦輒為
民患奏發丁夫隄之州及所轄五色地多荒蕪力督
民墾闢公私皆實遇儉歲恃以無用增修學舍崇興
教化即壇廟公宇用或不新會舊官還任將解去民
群訴於朝乞留帝從其請成祖晚年數北征令山東
長吏督民轉餉道遠多死亡惟東平人無失所奸民

有為驛牌長及任訊察之役者積為蠹弊湘斥之其人怒伺湘過無所得以苛歛民財訐於布政司縣民千三百人走訴巡按御史暨布按二司力白其寃者老七十人復奔伏闕下發奸人誣陷狀及布政司繫湘入都又有耆老九十人隨湘稱枉通政司以聞下刑曹聞實乃復湘官而抵奸民於法既還善政益敷上下相親若父子涖州十餘年至正統初詔大臣舉郡守尚書胡濙以湘應遂擢懷慶知府東平民輓留不可得扶携老幼泣送數十里懷慶有軍衙素挾勢屬民湘隨事裁制不見聲色自不敢犯居三年政教

修明士民交譽無間言遘疾卒年五十七

趙豫字定素保定安肅人燕王起兵既下保定豫以諸生督賦守城永樂五年授泌陽主簿未上擢兵部主事進員外郎內艱起復洪熙時進郎中宣德五年五月簡廷臣九人為知府豫得松江奉勅往時衛軍恣橫豫執其尤者杖而配之邊衆遂帖然乃一意拊循與民休息雖斃獨咸得詣府言情擇良家子謹厚者為吏訓以禮法不威而嚴下亦不忍欺尤重儒術待學官以賓禮至要途顯人未嘗降意寡嗜欲絕晏游疾俗尚琴奕玩好見之未嘗寓目均徭節費減吏員

十之五。巡撫周忱有所建置，必與豫議。及清軍御史李立至，帛務益軍，勾及姻戚同姓，稍辨，則酷刑榜掠，人情大擾。一時訴枉者至一千一百餘人。鹽司勾竈丁亦累及他戶，大為民害。豫皆上章極論之，咸獲蕪息。時有詔減蕪松官田，重租豫所轄華亭上海二縣，減去者十之二。三人情大悅。正統中，九載考績，民五千餘人列狀乞留。巡按御史以聞，命增二秩，還任。及十年春，大計群吏，始舉卓異之典。豫與馬賜宴，及襲宋遺還在職十五年，清靜如一日。上下皆化刑獄大省，其去郡也，老穉攀轅，不得行留。一獲以識遺愛後。

配享周忱祠方豫始至患民俗多訟每訟者至好言
諭之曰明日來衆皆笑之故有松江太守明日來之
謠及訟者踰宿忿漸平或為他人勸阻多止不來人
更服其有識始與豫同守郡者若蕪州况鍾常州莫
愚吉安陳本深温州何文淵杭州馬儀西安羅以禮
建昌陳昂並皦皦著名跡而豫尤以愷悌稱故當時
論者謂鍾輩為能吏豫為循吏云豫之先有黃子威
者以永樂二年知松江吏民畏愛歲大水躬履鄉邑
撫卹賑救民忘其災以母憂去任其後更三守民猶
念之宣德元年大理卿熊概劾省至民一千餘人言

子威居身廉潔治民有方賦稅無虧獄訟不作乞還
之松江概以聞帝報可治行如初

范希正字以貞吳縣人讀書有吏才宣德三年縣巡
檢譚復薦希正端敏誠篤才堪撫民有詔召之即用
為曹縣知縣漉政嚴明下不敢欺而小民多被其澤
有黠吏挾取民財且縱火焚及公廨希正執下獄械
送京師吏反誣希正他事亦被逮縣中老釋莫不垂
涕於是民八百餘人群走闕下訟寃通政司以聞未
報會侍郎許廓奉使過曹縣父老百五十餘人亦遮
道號許廓以達於吏部吏部奏之帝即釋希正還寘

吏於法希正既還善政益著及考績北上民懷其惠
爭持金帛贈遺悉却不受有里正伺希正獨居急趨
入投重賄以出希正追不及明日召之其人懼而逃
即召其父語之曰君子不以昭昭信節不以冥冥墮
行可撓而子金去遠近益信其廉正統中九載考績
曹人狀其善政乞留所司覈實詔增二秩還任十年
冬巡撫張驥請析曹縣置曹州即以希正知州事報
可時百務剋始希正悉心經畫諸地池街市學校壇
廟廨宇建置惟新民不知擾十四年秋邊事起朝命
徵官馬急民無以償洵洵思窳希正集里老慰諭為

設策買補九十餘匹民益歡悅其治州一如治縣大
得人和又再考乃引年致仕州人立祠祀焉

彭遠字務本南昌人永樂中舉於鄉歷官淮安知府
政務惠民宣德七年淮南北大饑流民四至遠相隙
地播舍以居大發廩粟日給二廩且稍寬賑禁負措
者不坐所全活以萬計民間故乏牛為假貸予之農
務大興府知事陳道潛私歛當宥罪囚錢帛囚有銜
遠者誣遠與道潛同受賕并誣遠庇豪家毒其警死
於獄且受賕不驗殿死者屍下御史訊已得誣用狀
止坐遠縱道潛罪部民恐其罷去相率奏遠滋政廉

勤守官無玷乞還之小民而督漕總兵官王瑜亦為
民代請適中官李德奉使過淮淮人擁舟大呼乞懇
天子還我賢太守德以聞帝即令復任久之政益流
播課績為江北第一賜勅旌異以正統六年超推廣
東右布政使俗尚浮屠習華侈有親死久不葬者遠
設禁令限以墓期不數月民悉從化居官勤慎寬和
政績甚著歸卒於家

范表字恭肅豐城人永樂十九年進士除浙江壽昌
知縣公正仁恕民情翕然闢荒田二千六百畝興水
利三百四十有六區境內大治正統五年三考報最

當陞擢邑人群頌其德政丐望御史覈實以聞朝命
許之尋以外艱去服闋起知汝州亦有令譽居官以
清節自持惡衣惡食妻子告乏亦不顧吏部尚書王
直察舉天下廉吏數人表為第一性至孝廬父墓瓜
生連枝有白兔三常馴擾墓側鄉人莫不高其行同
時有俞益者餘杭人永樂二年進士時方博徵名儒
修永樂大典益與焉書成授靖安知縣廉平為治上
下安之親喪服闋改知潛山其地僻陋鮮學者躬為
教督勤於民事拊循有加兩為縣令垂二十年其持
己愛民始終若一其學長於春秋屢分考鄉試會試

明於鑒別以宣德九年卒官貧無以斂吏民哀慕而
助給焉

劉永字克修江西大庾人永樂十六年進士授刑部
主事歷工刑二部郎中嘗從工部侍郎羅汝敬巡歷
陝西又從刑部尚書魏源巡視塞上並有贊畫功正
統二年以大學士楊溥薦出為荊州知府遼王國子
荆王貴烺大肆不法永屢與抗王怒執而笞之永因
盡列其淫虐事奏聞於朝王亦許永凌侮永遂被逮
已而事白命還任王卒廢為庶人永廉正有為恩惠
兼濟豪強畏服而小民無或失所四年母喪去官部

民三千五百餘人乞留任上官以聞即命奪情視事
永誠心愛民諸可以利民者靡不興舉以故二州十
一縣之民戴若慈母共建生祠奉祀乃至武夫悍卒
亦罔不率化十一年父喪當去軍民一萬八千餘人
懇乞再留衛指揮段安等亦以為請吏部言奪情非
舊典帝曰民既欲之其勿逆但後不為制以十三年
六月卒官聞郡聞之若喪所親拜哭於府門者日數
百人全時郡守稱得民者更有尹宏徐鑑許敬軒鄭
述鄒良諸人宏字克寬歷城人由貢生歷官泉州知
府廉公愛民盡心教養歲旱虔禱於神雨輒降歲以

大稔正統七年十月卒於官郡人號慕若失考妣肖
像祀之及柩還留墓其衣冠於城東歲時致祭墓下
鑑字子明宜興人歷官戶部郎中宣德五年被薦奉
勅知瓊州府廉靜寡嗜欲以教化為先務不尚威嚴
節財用蠲逋負興學課工築民樹藝民情翕然地多
異產中使誅求不已鑑性剛不可犯先後歷四使咸
為敵哉武將利黎人所有多救變邀功鑑鎮以無事
黎亦安堵居四年惠政大敷其卒也郡人哀悼祀之
尤賢祠敬軒天台人永樂中以國子生與修五經大
全授禮部司務擢儀制員外郎宣德五年與鑑並受

勅出知汀州府興學勸農輕徭賑饑推強植弱士民
歸心焉。叅政陳羽行部至寧化用大杖擊死平民。又
逼取死者財物。敬軒奏彈之。宣宗語都御史曰：監司
郡縣表率當奉職循理。此人常杖死一隸。今又以貪
暴為屬吏所彈。稔惡甚矣。乃令巡按御史逮治。敬軒
為政寬猛並濟。常以賢良薦。程原慶、朱振等於朝以
貪殘劾。祝永昌等五人置之理部。內大治卒於官。行
李蕭然。士民爭賻之。治遂設奠。述字季述。莆田人。永
樂中舉進士。授刑部主事。宣德時出為惠州府通判。
民居率茆茨竹椽。易致火患。述教民陶瓦構木環之。

以塔身往督勸不贍則資給之火患遂絕正統七年
按察使郭智等薦其行謹才優擢南雄知府務興利
去患修凌陂溉田五十餘頃復業者二伯餘家憫庾
閔役夫久困以權鹽餘息代民催役又修嶺路以便
行旅遠近頌之稱一時良吏焉良江西樂安人永樂
十三年進士授松溪知縣縣有銀礦為民害良奏罷
之尋調知邵武縣亦多惠政宣德末九載考績其民
乞留命增秩再任正統元年用大臣會薦擢衡州知
府歲饑便宜發粟賑濟民甚德之良性鯁直不憚豪
貴而撫小民則以慈故所在有聲謝政歸著有四書

楊言存養錄

戴若字彥廣鄆縣人永樂十七年舉於鄉宣德時授東昌府通判有清操常督河渠有巨商覆舟死遺貲數百鎰為棺斂之召親屬返其貲清臨清旆獲寶器貯之倉庫他日中使至言為己物即驗而還之遠近莫不嘆其廉正統八年三考報最用薦擢雷州知府仁恕清勤事無過舉新學校增弟子員扶善鋤奸築海隄浚河道績用大興嘗過早仰祝曰願減十年之算祈三日之霖雨果降聽事產芝三莖以外艱歸服闋起永州再丁內艱起鞏昌為政愷悌軍民以和適

有邊警浩安內禦外一郡賴之歲大侵擅發邊儲三萬七千石賑貸為上官所劾浩拜疏請罪曰願以臣一人之命易千萬人之命景帝原之而令民速償上官趣之急浩曰瘡痍未復而趣之不如無賑請約三歲還償之明年復旱禱之三日即雨關山孔道寇時劫掠商旅浩設方畧殲之道路無虞浩初在東昌民歌曰戴別駕公實惠吾儂廉慎忘躬克致年豐及是關山殲寇鞏昌人又歌曰君侯守邊惠政無前我行我道蕩蕩便便其為民欣戴如此年近七十拜疏請老已啓行民請關乞留有詔許之還至潼關會英宗

復辟仍令致仕卒年九十三子櫛連城教諭櫛子鰲
鯨鰲並進士鰲尋旬知府鯨福建叅議鰲廵撫四
川右副都御史鰲工部主事浩同縣王瑩字宗器舉
於鄉歷官刑科給事中宣德五年冬奉勅為肇慶知
府興除利弊切於愛民城西失火延及民居瑩稽首
籲天火隨滅修水利興學校禮賢下士士民交頌之
正統初奏言文廟從祀諸儒既黜楊准進董仲舒吳
澄誠百世盛舉然性惡之荀卿短喪之杜預尚祀廟
庭而宋儒若胡安國蔡沉真德秀猶未獲祀誠為缺
典乞勅下禮官議行又言外官不職者許軍士轉送

京師以下犯上大傷國體不可不速禁朝議並從之
九載滿進秩二等移知西安治如肇慶稍濟以嚴越
三年致仕

袁旭字廷輔江西樂安人永樂十三年進士除江津
知縣民困宥逋旭出已貲代償富民聞之爭相捐助
積逋以清新學校弭盜賊廉明公慎大得民和及秩
滿當代縣民懇留於朝詔許還任久之以憂歸正統
元年用大學士楊士奇薦擢寧國知府旭好興作為
民久遠計乃置均徭冊以恤孤貧設義倉以備賑貸
重建學宮壯麗甲諸郡他壇壝公宇無所不增新而

初宛溪二石橋尤永世利然旭善拊循雖浚興工役
民不告病十年春大計群吏始舉卓異之典天下郡
守止五人而旭與焉賜宴及襲衣寶鈔以還其年六
月督學御史程富劾旭教斂民財妄興大役且杖死
平民宜按問章下廵按御史覆核未報旭亦許富挾
私及不法事章並下法司俱宜褫奪時無救援者命
編旭保安州為民富輸贖還職旭先已被逮竟卒於
獄其幽憤詩曰報國有心懸白日蓋棺無面見黃泉
讀者悲之其後御史王震言旭杖斃無辜無實狀而
旭已死矣旭雖被許而死然寧國人語賢守必曰袁

公為立祠祀焉

孫遇字際時福山人宣德間由進士為戶部主事正統中以大學士楊溥薦擢徽州知府均徭清獄修學勸農政績甚著初屬邑造弓矢歲費鉅萬遇力省之計八百金而足後遂為例景泰元年以外艱去民奏留之旋丁內艱民復奏留不報服闋再知徽州四年冬大雪三月明年夏滂秋旱禾麥盡傷民群起行劫遇擒獲數十人勢猶未止因上章言狀乞大發粟賑貸朝議從之遇盡心撫卹振採有方民復安業有聚眾不時散者御史欲兵之遇請募騎往諭眾即解去獲

免者數百家境內多山民田產入不足供一歲之食
先令轉粟京師率易之於他郡勞費殊甚及是遇請
徵銀解部公私皆便久之政通人和百廢具舉所部
休寧歙縣生瑞麥多至七十餘本有一莖三穗四穗
者遇以獻於朝天順初九載秩滿郡民復相率乞留命
晉秩三品仍視郡事遇愷悌慈祥言出見信治郡十
八年最得民心天順末擢江西右布政使轉河南為
左成化五年給事中蕭彥莊劾吏部尚書李秉并及
遇老疾不退乃令致仕徽州人立生祠祀之己請命
於朝載之祀典有司春秋致祭卒年七十九同時楊

禧雲南太和人永樂中為昌黎知縣盡心民事政化
大行宣德四年三考績最當代部民稱其持已廉撫
下惠乞還之昌黎詔進二秩如其請再閱三考政聲
益彰擢慶遠知府公廉仁恕如其治縣時正統末亦
以三考當代屬縣民具陳其德政乞留帝可之而進
其秩二等景泰二年總兵官武毅等稱其撫字勤勞
詔加右叅政仍知府事又數年以老疾告歸加右布
政使

燕雲陝西咸寧人宣德末由舉人為曲沃知縣勤恤
民隱而除其患閭邑咸戴之今日府檄下徵羊數百

為公用雲不忍擾民託言己病日置宴民間之爭奉
羊為壽閱日而足即謝不取其得民心如此以親喪
解職服除起補陽曲陽曲人愛之不異曲沃九載滿
爭伏闕保留詔增秩二等還治陽曲正統十一年用
巡撫于謙等薦擢潞州知州亦以善政聞景泰初御
史謝瑀言雲及霸州張蕪並著廉能聲宜加珍異為
列城勸下所司廉之三年夏坐事當調部民三百餘
人詣闕奏其賢即令還任雲治二縣一州慈祥寬簡
理公事如其家未嘗輕施鞭撻故所至得民同時知
州以治行稱者有楊祕周健張需王約諸人祕宣德

初知徐州有異政九載秩滿民不忍其去先後詣
按御史乞留凡七百餘人即軍衛將卒亦列狀懇請
御史言於朝下吏部核奏乃進二秩遣還再歷九載
民益習其政既去而歌頌不衰健錢塘人永樂九年
進士官御史坐言事謫交趾下洪知縣宣德中歷全
州知州勤於民事大著聲績正統八年三考皆最當
遷部民千餘人走訴巡按御史乞再任御史以聞帝
從之進秩二等其後政愈有聞需知霸州抑奸豪興
遺利政績尤著正統十年舉治行卓異宴於禮部賜
寶鈔襲衣既還任有牧馬於湖者為民害需執而治

遂救長走想於中官王振遂執下錦衣獄請戍邊時
論賊不平然莫敢救也其後州人稱良牧必首需約知
定州得民譽景泰二年春丁憂解職民二千五百餘
人言約持身端謹收政公勤无刺入寇多方捍衛境
賴以安乞還之百姓景帝報可約既還善政益著五
年夏撫按官列狀以聞賜誥旌異

郭雨正統初為常熟知縣勤敏善理劇甚得民心民
素患差徭南召父老諭曰令爾輸米四石準役一歲
可乎父老頷首曰往者一歲之役費至五六金今如
明府言止一金耳奚不可乃為倉貯之以給役費歲

終鈞考費止三之二遂減下歲之輸民益歡悅僚屬
有事於鄉者嚴與之約以食物隨行過期即繼之俾
勿擾下其惜財愛民皆此類也縣產軟粟南食之而
甘嘆曰後必有以此進貢者為吾民永世害矣命悉
拔之十二年以老致仕父老及宦於朝者交章乞南
遷任英宗許之當正統時縣令為民奏留者益衆其
治行卓然可稱者更有張環徐榮何澄田玉諸人環
沁州人正統元年知平山縣善撫字訟簡盜息戶口
日增乃修肇慶學校壇廟官廨無所不新而民不
知勞况載滿士民留之為政迭接任景泰初毋憂去

又相率乞留命奪情視事久之卒官士民哀號罷市
榮知藁城有惠愛以親喪去官既服闋藁城耆老百
餘稱榮廉勤奉公吏民畏服見在縣令昏耄不任事
乞還榮藁城終惠百姓事下御史覆實乃還之景泰
初九載秩滿部民復狀其善政乞留天子亦報可澄
四川人正統初為安福知縣廉靜慈祥外若無為而
內有區畫巡撫趙新以為不勝任奏除代之部民不
服走懇憲司弗納乃相率走闕下陳澄善狀乞留詔
下巡按御史覆覈果若民言乃令還任澄既還築寅
陂浚渠道復密湖之舊水利大興去弊除患如治其

家民大愛之秩滿當去侍講劉球為民代請乃復留
玉內江人正統時知桐鄉善卹民隱有實政時浙閩
用兵徵需繁重王經畫有方民以不擾及丁父憂縣
民訴於上司乞奪情視事朝議不許既服除縣民復
以為請廵撫周忱亦奏保帝乃可之當是時英宗承
仁宣之後加意吏治長吏優治行為部民乞留者率
從其請或增秩久任或即行超擢其坐事及遭喪去
者部民保留亦輒報可故一時吏治淳厚有先朝遺
風焉然其間亦有作奸者如宣德七年河南府奏永
寧稅課大使劉迪以舊官還任當去乃封羊置酒邀

耆老請留乞下法司論治帝諭吏部曰朕意四方奏留必出公道今觀此人言可盡信耶然人品不同亦不可因此盡疑他人古云衆好必察卿等其留意迪遂下吏未幾漢中府同知王聚亦張宴求屬官奏為知府事聞帝曰此亦無耻甚矣身為上官乃卑詞下氣請託屬吏此豈士大夫所為耶其并屬官罪之蓋自時殿後民間奏留率下所司廉實不獲專倚信如曩時矣

何聰淮安海州人宣德中為四川長壽典史有能聲以父憂去服闋改除山東長清正統八年長壽缺知

縣民五十餘人走數千里至京師言聰前為典史勤
敏公廉民皆悅服乞即以為縣正帝曰聰小吏去長
壽已十年民猶思之不置此非循良選耶其即命
之聰再赴長壽恤孤貧興學校息訟弭盜帑務惠民
益愛戴全時楊貢為交河典史得民心會知縣林俊
遷去父老奏貢清正勤能乞代其職章下吏部尚書
王直以貢發身掾史格之帝曰民既奏保宜順其情
若拘以資格用人之途狹矣卿等其體朕意遂授之
貢果以稱職聞又有安郁者字從周臨潼人為四川
蒲江典史歲大旱郁齎沐顛屨積薪紫極觀下誓不

兩即自焚至期果大雨民為之歌曰安從周政何優
感天兩歲有秋昔無衣今有裘正統十年部民群赴
闕下稱都廉能堪任縣令帝即從之其後政聲益著
同時下僚襍職為部民奏留者甚衆如張禎上海縣
丞也民以撫字有方乞用為知縣廵撫周忱為請吏
部以未及九載難之帝曰民之所欲不可拂也即許
之積果有善政王懋本吳江縣丞也初以判員當汰
民稱其勤慎廉能得留己丁憂服闋需次京師會縣
缺正官民走伏闕下請即用懋本吏部以掾史出身
持不可帝曰懋本既有去思安計資格其從之第毋

著為令熊觀歷城縣丞也九載滿民言觀持身廉謹
政尚寬平今縣令缺官乞以觀代吏部言法不當從
帝曰吏之賢否視民之向背民於令之去不加意而
惓惓於觀其賢不肖可知矣遂許之汪浩養利州判
官也土官趙肆等稱浩撫馭得宜乞久於其職永綏
一方吏部以為不可許帝曰浩蠻俗不可拘常法其
聽之王思旻泰州判官也職專馬政得民心會同知
缺員民一千九百餘人乞用思旻補之吏部言思旻
秩未滿且同知已別除人帝曰為民牧而得民心正
宜超擢示勸何以例為遂河其奏古初熙陽主簿也

監司考其老疾送之吏部縣民不服相率叩閭言初
蒞職期年清謹任事化服峒徭實非老疾乞還之小
民下廵按御史廉問果如民言乃還初而奪監司俸
半歲李保雲南南安州琅井廵檢也其鄉老言本州
俱羅舞和泥烏蠻稌種頑獷難馴向無土官約束多
致流移徭賦莫辦自保署州事賦政公勤民胥向化
流移獲歸如擢任本州土官實慰民望吏部言此州
向無土官難從其請帝曰卿守舊固善但古人為治
在順民情可從所奏遂用為南安判官蓋當是時天
子猶留意民瘼每有格外之舉而下情亦無不達故

四方承風吏治鬱起憲孝而後其風遂衰

黃瑜字仲美臨桂人正統九年舉於鄉授兗州府同知歲歉行視屬縣發廩賑貸後值水火築堤捍禦民甚得之天順初以治行高等賜封誥獎勵無何部民頌其賢請用為知府御史及布按二司核實以聞帝即命之尋以父憂去時兩廣徭寇揭擐都御史葉盛薦知肇慶府地當兩粵之衝徭賊時至城下民不獲安業瑜訓練民兵先事為備屬邑無城者城之曉示諸蠻許自首服戒有司無擾由是境內獲安成化初御史韓雍薦於朝詔增秩下級九載滿撫按三司連

章叙其政績請加官再任帝從吏部言重書獎勞俟更歷三載以聞既三載滿治行益著乃加廣東右叅政仍知府事瑜波肇慶十五年剔蠹釐奸政無不舉士民歌頌之同時又有兩黃瑜並以治行顯一為江西南城人亦舉正統九年鄉試知四會縣尋以憂歸天順三年起補開建邑無城常有寇患瑜植木柵以守後改建磚城親挾弓矢禦寇一邑賴之咸化二年上官薦其治行尤異起擢雷州知府時承饑荒之後盜賊充斥瑜盡心撫字數載間盜息民安軍民胥悅秩滿亦加右叅政仍波府事一香山人景泰七年舉

於鄉知長樂縣改建學校日進諸生討論有兄弟相
訟者開導之皆涕泣相讓而退以直道忤上官浩然
求去民輒留不得立祠祀焉孫佐為時名儒

何淡字中美廣東順德人天順元年進士授濱州知
州值旱蝗之後以勸相耕農為首務有病民者一切
罷之糧役以貧富為差書為由帖預給之得以救麥
布帛折納由是賦不督而集取呂氏鄉約教民榜鄉
擇一老人親為講說俾勸誨其間里季一稽考有不
率者召鄉老泣謂之曰吾不能化若與若不能化鄉
其罪均然吾罪首也倘三犯當自劾去矣各慚謝而

退有過相責讓訟為之稀乃新學宮修禮器聘師儒
日夕教督始士習鄙悍至是甲第鬱興廉明仁恕政
務畢舉以內艱去士庶泣送幾萬人知其清貧贖錢
二十萬為贖又謂淡素廉必不肯受乃付一耆老令
喻境至臨清致之淡正色固拒耆老還悉散於衆不
匿一錢蓋化於淡也後肖其像祀之龔遂祠服除入
為虞衡員外郎擢漢陽知府教民力農乃築陂堰資
灌溉興學課士一如治濱時士多成就久之遷貴州
右叅政時生熟苗相攻郡縣騷然撫按集議將用兵
淡獨請撫之會朝命下如淡言撫按即檄淡往單騎

深入諭以威德皆釋甲還里尋以親老乞歸淡居官三十年貧至不能舉火知縣吳廷舉稱為吳隱之流亞常調給之卒年七十五

吳澹字源深增城人自幼端恪嘗讀書一室有婢戲於旁澹怒白於母必出之乃己第天順四年進士除弋陽知縣慕古循良風日集諸生講道助其不給置義倉儲粟萬石周民惇獨中官鎮守者奇歛不經他人莫敢抗澹獨每事裁之曰寧我受譴毋虐細民歲旱徒跣禱烈日中雨即降民間利病興除殆盡而自奉泊然一介無取民戴之若慈母成化三年撫按官

舉濟治行尤異賜封勅獎屬及其父母久之以御史
陳遷薦遷饒州府同知清操如故里居都御史高明
率六縣之民奉為郡守命未下而卒貧無以為殮士
民共贖之且建祠祀焉

吳孟保瓊州定安人景泰七年舉於鄉成化中授廣
西賓州知州政濟寬猛吏民畏懷州有八寨蠻屢肆
寇掠急之則散緩則復出州人苦之孟保單騎入寨
開示禍福許入城市貿易革不得帶弓矢刀劍蠻人
悅皆羅拜願受約束一境遂安上官交薦進秩二等
弘治初以親喪去官八寨蠻及南丹賓州二衛所將

卒相率陳狀願得孟球還任總督秦紘以聞孝宗許之州益大治時有程觀者臨桂人成化元年舉於鄉弘治初為廣東龍水知縣地與猺獞鄰最號難治觀善撫馭民猺感畏既以憂歸民嘗思觀服將闋總督劉大夏請增其秩還任乃以為肇慶府通判仍知縣事正德初觀以疾求退總督潘蕃言龍水積苦猺寇自觀蒞任每親抵賊巢推誠撫諭賊多從化有不服者輒用計摧破之他所施設亦務盡心勤能最著不可聽其去宜再進一官旌之詔加本府同知滋縣事如故觀建五十九峇籍其人為峇兵而兼兩置兩營

分官兵戍守遂無寇患又闢荒田九百頃鑿水圳
四十八所民歌頌之

陳鋼字堅遠南京人中成化元年鄉試授慈陽知縣
稽丁稅多寡均定徭役招流亡闢荒田數千畝置養
濟院積義倉粟省刑簡訟杜吏奸居一年庭無煩寃
乃修文廟建社學興孝弟禮義之教民俗為變沅湘
二江合流域下數決壞民居鋼募民采石甃隄自南
門迄西門亘千丈水乃不為害邑南山屋間有路狹
甚辰沅諸軍戍靖州夜行多墮死屋下鋼督郵兵積
薪燒之沃以鹽石暴裂拓舊路丈許繚以鐵絙行者

便之將新縣署忽大水漂木數百至工遂成鋼病民
憂惶禱於神肯願以餘年益鋼壽病愈過市父老察
其肥瘠以為欣戚鄰境徭與民爭田不決上官檄鋼
往鋼開譬切至衆咸欣服任滿當代民乞留於朝不
許送者攀泣為立生祠遷長沙通判察吏民所苦苛
禮冗費悉刊除之決疑獄出寃民民祠於家監修吉
王府程工節用倍省其費議復岳麓書院白吉王得
故殿材成之故蹟以復私治九年以母喪歸尋病卒
長沙人聞之無不泣下請於監司從祀岳麓書院初
鋼居長沙時黔陽民歲遺子弟一人聞安否後知其

歿為巷戾罷市子沂官翰林侍講自有傳同時有陳
綱者字文舉潮陽人咸化初由國子生需次吏部議
者以兩廣多盜請不拘鄉里得官其鄰郡乃用為高
州石城知縣時徭賊正熾民戶流亡土田荒蕪殆盡
綱盡心民事勞秣安集流亡獲歸又招新民附籍給
田使耕歲凶發粟賑貸善捕盜盜發輒得請於上官
奏減逃絕漁課米七百餘石闔邑戴之八年總督韓
雍及鎮守巡按諸臣聯章奏薦擢高州府通判俾從
副使孔鏞撫治徭民雍重其才每檄置幕下咨以軍
事遇戰輒出入陣中能得士死力賊聞其名多遁去

群獠未服者綱不憚瘴癘跋履險阻綏懷拊循獠俱
向北十四年總督朱英等止其功詔賜銀幣尋遷鎮
遠府同知亦有能聲卒於官民咸哀悼

王弼字存敬黃巖人成化十一年進士除深水知縣
巨猾席勢武斷捕獲論死境有湖可田督民築堤遂
為良田中官來視馬例有賄弼獨不予居三年入為
刑部主事進員外郎弘治三年擢興化知府部內多
縉紳或虞難治弼察其好禮乃畫出古意為之嚴祀
典旌節孝延禮名儒崇興古禮類非俗吏所為憫俗
婚喪過侈為定中式書勸戒文俾里老時時開諭弗

率則舉按以懲吏卒攝人肆虐則示訟者以期保自
詰後期有咎民得無擾賦稅更徭更多彘智親自
經畫俾受成案無所預監司更驛法非人情芻譬止
不可則疏復其舊有寇犯漳州守者議調興化軍往
援芻以衛軍但可自守竟不遣前政多因循學校壇
宇公廨道路河渠悉廢芻為之更新而民無所費
久之夙弊清獄訟息盜賊屏跡治行為一時最以十
一年十月卒官僚吏及士民咸哭失聲留其衣冠葬
蓀塘山下且立祠祀之

厲昇字文振無錫人由國子生為浙江青田知縣縣

居萬山中地固磽确又承葉宗留亂後民貧而捐號
難治昇治之有方民感其惠初有周姓者與磐石衛
卒訟積五年矣昇聽之數語遂服出而泣曰令屬公
早至安有是哉境內銀礦發監司臨視議歲入貢有
術者謂山木大秀所產必廣昇折之曰金能剋木若
金氣既盛木何由秀監司不信同列勸昇從之昇曰
如吾民何申辨數四必寢乃已鎮守中貴以視礦歲
一至所費不貲昇供億無缺而已于他費大省以故
民獲安業乃勸學興賢旌舉節孝禮文亦彬彬焉昇
屢欲請老輒留於民後入覲遂乞歸民聞欲追留已

抵家矣乃立碑紀績且祠祀焉既沒衆設祭哭於祠
所同邑殷貴字南金亦由國子生為廣東陽山知縣
縣窮僻少文貴至即為講律令俾知趨避大書為善
最樂四字鏤板給之有兄弟爭田者反覆開諭皆感
泣去過死囚必求其生路不得已焚香告天而後決
之獄中置一響板約曰寃未達者擊之有所徵召書
片紙於門咸如期至恩信旁達閩邑歸心焉以勞感
瘴吏民祈禱無虛日其卒也為罷市巷哭
丁積字彥誠寧都人成化十四年進士授新會知縣
至即師事邑人陳獻章尊其所聞而行之其政以風

化為本而主於愛利不憚權貴中貴梁方者新會人也其弟長橫於鄉既重責民逋復訴於積積追券焚之且收捕繫獄由是權豪屏迹見俗尚奢侈申洪武禮制參以朱子家禮定為中制擇耆老誨導月朔進問於庭優禮其能者而懲其不率者嚴賭博竊盜之禁榜門示恥良家子游惰不事生業者聚之廡下使日誦小學書親為解說真變化其習謹祀事牲牲酒醴必極精潔肅然將事若神明陟降然故事民出錢輸官供役名均平錢其後吏貪穢令甲首出錢供用曰當月錢貧者至粥子女積一切杜絕甲首輸均平

錢畢即歸田無復事歡若更生俗信巫鬼為痛毀淫
祠嘗以辨冤忤上官下之獄民號泣欲為營解積書
示之曰心苟無愧禍福非所圖慎毋重吾之不德久
之事亦解十八年大旱築壇於圭峯頂昕夕伏壇下
者八日體憊甚雨亦大澍然積自是得疾遂卒年四
十一士民相聚哭於途有一嫗夜哭極哀或問之曰
某歲膺甲首丁公死吾何以聊生其德化入民如此
相與祠之

田濟麟遊人舉進士成化六年累官大名知府改真
定至即祛吏弊卹民瘼興學勸士鋤強扶弱政聲漸起

明年大疫施藥以療死無依及屍暴露者給棺瘞之
歲又大凶斗粟百錢民有餓死者濟不待報聞倉賑
貸又出粟三萬餘石半價以糶遂無騰貴之患乃巡
行所部州邑察其不足而補助之凡發粟二十七萬
餘石頌聲大作性剛直不屈勢要定國公弟徐永宜
擅殺佃人濟即彈奏謫戍邊華山武強民十餘人被
誣為盜獄已成為辨釋之軍衛有訟涖以至公不待
捕而自至部檄徵冰羊豕鷄鶩諸物為具奏汰其半
遂為定制其他請於上官寬民力節浮費者不可勝紀
涖政八年部內大治同時有沈性者字士葵會稽人

景泰二年第進士授御史英宗獲辟陳保天命固人心停末務減冗員擇守令汰僧道六事語極切直已而簡廷臣為知府性得寧國陞辭召入便殿諭勉之既至剗剔蠹弊一以惠利為本民苦役繁令諸在官供事者歲輸銀一兩給軍需即放歸力農民大稱便歲大祲輒發粟減價以糶訟至立斷獄無繫囚令行禁止民更悅服加意學校親為講授居八年課績為南畿第一起撫劉孜以狀聞賜封誥旌異未幾以父憂歸遘疾卒

章忱會稽人成化十五年由進士為臨城知縣首答

民隱凡民所欲惡以次興除一以愛養休息為務歲
大饑民多流竄忱招徠撫輯給以種食而免其征徭
歸者接踵久之旁邑流民願附籍者亦數十戶賦券
稅牒有久不別白者悉為條格以清其欺隱城北泥
河出源泉流甚博豪民據之用利忱率眾築堤引水
灌苗又教民為桔槔以濟高阜邑自是有水利鄉鄰
舊無醫藥有病專事禱穰忱檢方書修藥餌施之且
前以醫禱緩急全活不可勝計修學宮具祭器諸壇
壝館舍亦無不新既又市隙地創社學及陰陽醫學
郵傳養濟院各一所皆不勞而事舉暇則督課諸生

訓以孝弟忠信之道歲春令民會男女節其婚嫁之儀不得論財賄民是以鮮怨曠訟者至為明示曲直勤以講信修睦多自慚引退上官非公事役民忱堅不奉令亦終不能害久之遷太僕寺丞去士民為立去思碑

王汝積金谿人舉於鄉為福建政和訓導九載考最用大臣薦擢絳州知州土匿賦重人鮮知學而健於訟前此長吏未有滿考者汝積謂民富則教行而訟自息乃勸民耕稼蠶桑勿奪其時盡墾不食之土俾各種所宜而督責其偷惰者不數年民業饒給遂大

修學宮篤興禮教更廣延師儒訓民間子弟風化之
美延及隣邑民以事至前者悉告以敦本節用孝悌
禮讓之道懇款篤至民多感化自是爭訟衰息獄戶
屢空盜賊亦絕有所徵發但書片紙示期民自奔赴
田里宴然無追呼之擾犬不夜吠嘗有蝶生將害稼
為虔禱於神蝶即滅民有積歲流移者聞新政寬仁
皆扶老携幼而至汝績益加拊循俾樂生興事人情
大悅景泰改元九載滿民相率詣上官乞留汝績力
止之乃已將行以暴疾卒士民莫不哀悼同時張廉
字惟清陝西咸寧人永樂末舉於鄉授刑部照磨歷

臨汾縣丞蒲州判官並有聲正統八年蒲州缺知州
部民狀廉賢能乞即用之御史暨布按二司聯章為
民請吏部言躑等難允帝曰能得民心即良有司正
宜旌擢示勸何躑等之有遂擢任之廉乃剗刮積弊
自家及官皆有檢飭教民作業以時與民以信凡賦
調不督而集力扶善良推豪猾其於學政尤加意久
之政平訟理公庭寂然日課吏讀律曰非徒使知畏
法且令不暇游惰耳治蒲十餘年未嘗行一非法事
遭內艱去軍民復合詞乞留朝議不可而止以天順
二年卒於家子鼎官至侍郎自有傳